

Bosna i Hercegovina
Federacija Bosne i Hercegovine
FEDERALNO MINISTARSTVO
OKOLIŠA I TURIZMA

Bosnia and Herzegovina
Federation of Bosnia and Herzegovina
FBiH MINISTRY OF
ENVIRONMENT AND TOURISM

Broj: 04/1-19-1-90/24
Sarajevo, 03.04.2024. godine

Bosna i Hercegovina
Federacija Bosne i Hercegovine
Vlada Federacije Bosne i Hercegovine
n/r gđa Edita Kalajdžić, sekretar

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno:		05-04-2024	
Org. jed.	Broj	Priloga	Vrijednost
05/1	-02-	30	24

Predmet: Odgovor na poslaničku inicijativu Slavena Raguža, poslanika u Predstavničkom domu Parlamenta Federacije Bosne i Hercegovine

Vašim aktom broj: 03-04-74-16/2024 od 19.01.2024. godine, dostavili ste ovom Federalnom ministarstvu na nadležno postupanje poslaničku inicijativu, koju je podnio Slaven Raguž, poslanik u Predstavničkom domu Parlamenta Federacije Bosne i Hercegovine.

Postupajući po zahtjevu, Federalno ministarstvo okoliša i turizma je svojim aktom od 24.01.2024. godine zatražilo očitovanje Fonda za zaštitu okoliša Federacije BiH na navedenu inicijativu, koju dostavljamo u prilogu.

S poštovanjem,



MINISTARSTVO

dr.sc. Nasiha Pozder

Dostavljeno:

- Naslovu
- Ⓢ Parlament Federacije Bosne i Hercegovine, Predstavnički dom
Ivan Miličević, sekretar
Hamdije Kreševljakovića 3, 71000 Sarajevo
- a/a.

Broj: 01-09-12-1752 /2024
Sarajevo, 28.03. 2024. godine

992

Primljeno:	01-04-2024	
Org. jed.	Broj	Pril.
04/1-19-1-90/24		

04

Bosna i Hercegovina
Federacija Bosne i Hercegovine
Federalno Ministarstvo okoliša i turizma
N/r Ministrice

PREDMET: Poslanička inicijativa - izjašnjenje

Veza: Vaš podnesak broj: 04/1-19-1-90/24 od 24.01.2024.godine

Poštovana,

Povodom izlaganja i poslaničke inicijative poslanika Raguž Slavena na sjednici Parlamenta održanoj 12.01.2024.godine, za uvođenje jedinstvenog registra aplikanta na osnovu javnih poziva za dodjelu sredstava finansiranja projekata i programa kako bi se omogućilo da ukoliko je aplikant u evidenciji nemogućnosti ostvarivanja prava po jednom pozivu da isto vrijedi za sve pozive finansirane iz Proračuna FBiH, smatramo važnim napomenuti nekoliko bitnih činjenica.

Fond za zaštitu okoliša FBiH osnovan je Zakonom o fondu za zaštitu okoliša FBiH (Službene novine FBiH, broj: 33/06) kao javna ustanova i ima svojstvo finansijske organizacije-pravne osobe sa pravima, obavezama i odgovornostima propisanim navedenim Zakonom. Djelatnost Fonda obuhvaća poslove u vezi s pribavljanjem sredstava, poticanjem i finansiranjem pripreme, provedbe i razvoja programa, projekata i sličnih aktivnosti u oblasti očuvanja, održivog korištenja, zaštite i unapređivanja stanja okoliša i korištenja obnovljivih izvora energije.

Fond za zaštitu okoliša FBiH nije budžetski korisnik, već vanbudžetski korisnik. Za svaku poslovnu godinu Fond donosi program rada i finansijski plan uz suglasnost Vlade Federacije. U programu rada i finansijskom planu izdvojeno se prikazuju programi i projekti, te finansijska sredstva za područje zaštite okoliša. Fond donosi program rada i za četvorogodišnje razdoblje u skladu sa Strategijom zaštite okoliša, planovima zaštite

okoliša, te drugim dokumentima i propisima u području zaštite okoliša za namjene utvrđene ovim zakonom, uz suglasnost Vlade Federacije.

Sredstva Fonda dodjeljuju korisnicima sredstava, radi finansiranja namjena utvrđenih Zakonom o Fondu i to putem zajmova i pozajmica, subvencija, podrške, garancija, darovanja (donacija), na osnovu javnog konkursa kojeg objavljuje Fond ili na drugi način propisan Statutom Fonda. Fond je dužan pri dodjeli sredstava primjenjivati načelo da se raspoloživim sredstvima postigne najveća ukupna korist za okoliš. Općim aktima Fonda utvrđuju se uvjeti koje moraju ispunjavati i korisnici sredstava Fonda, uvjeti za dodjelu zajmova i pozajmica i drugih sredstava Fonda, mjerila za ocjenjivanje zahtjeva za dodjeljivanje sredstava Fonda, odnosno programa, projekata i sličnih aktivnosti, način praćenja namjenskog korištenja sredstava i ugovorenih prava i obaveza, te druga pitanja od značaja za dodjeljivanje i korištenje sredstava Fonda. Opće akte iz stava 3. ovog člana donosi Upravni odbor Fonda uz suglasnost federalnog ministra.

Činjenica da su neki aplikanti izgubili pravo aplicirati na javne pozive na osnovu naknada igara na sreću zato što nisu ili transparentno radili finansijska izvješća ili nisu uopće dostavili potvrde o namjenskom utrošku sredstava, se ne može dovesti u vezu sa činjenicom da su istovremeno ostvarili pravo na sredstva Fonda za zaštitu okoliša FBIH temeljem provedenog Javnog konkursa za 2023.godinu, obzirom na zakonom propisanu djelatnost Fonda a to je prikupljanje i distribucija finansijskih sredstava za zaštitu okoliša na teritoriji Federacije Bosne i Hercegovine.

Sredstva Fonda dodjeljuju se Odlukom Upravnog odbora Fonda, kojeg imenuje Vlada FBIH, u skladu sa finansijskim planom i programom rada odobrenim od Vlade FBIH, teb podnosi Vladi Federacije izvještaj o radu i izvještaj o realiziranju finansijskog plana i programa za proteklu godinu u roku utvrđenome Statutom Fonda.

Pravilnikom o načinu praćenja namjenskog korištenja sredstava i ugovorenih prava i obaveza uređen je način praćenja namjenskog korištenja sredstava koja Fond odobrava za finansiranje pripreme, provedbe i razvoja programa, projekata i sličnih aktivnosti u području očuvanja, održivog korištenja, zaštite i unapređenja okoliša.

Naime, korisnik sredstava je dužan Fondu dostavljati izvještaje o realizaciji programa, projekata, odnosno sličnih aktivnosti u rokovima utvrđenim ugovorom o korištenju sredstava. Izvještaj obavezno sadrži: opis izvršenih radova (zbirno i po fazama), utrošena finansijska sredstva, opis promjena u realizaciji projekata, programa, odnosno druge aktivnosti koje utječu na troškove realizacije, naznaku poteškoća pri izvođenju programa,

projekata, odnosno druge aktivnosti s operativnim planom za njihovo rješenje, odstupanja od plana provedbe programa, projekata, odnosno drugih aktivnosti, te ostale podatke bitne za provedbu programa, projekata, odnosno drugih aktivnosti i izvršenje ugovorenih obaveza. Izvještaje provjerava nadležna služba Fonda, te nakon njegove ovjere daje nalog za plaćanje odobrenih sredstava korisniku.

Dakle, sredstva Fonda se ne isplaćuju avansno, već po ispostavljenim situacijama uz dostavljene dokaze o namjenskom utrošku.

Ne osporavajući potrebu uspostavljanja jedinstvenog registra aplikanata na nivou FBiH želimo istaći činjenicu da Fond vodi vlastiti registar u koji se unose svi relevantni podaci o aplikantima, odnosno korisnicima sredstava Fonda, projektima i njihovoj realizaciji.

S. poštovanjem,

Fond za zaštitu okoliša Federacije BiH



Slađan Bevanda, direktor

Dostaviti:

- Naslovu
- a/a